

# **REFERAT IN - Innarluutillit pillugit Siunnersuisooqatigiit d. 26-08-2025**

**Mødedato** Tirsdag d. 26. august 2025 kl. 15:00

**Mødested** Kommuneqarfiup Allaffeqarfia, pisortaqatigiit ataatsimiittarfiat

# Indholdsfortegnelse

Imaqarniliaq.....	3
-------------------	---

**Punkt .: Imaqarniliaq**

## Imaqarniliaq

# Inuit innarluutillit pillugit Siunnersuisooqatigiit ataatsimiinnerannit

*Ataatsimiinneq sisamangorneq aggustip 26-anni 2025 nal. 15:00 ingerlanneqarpoq.*

*Kommuneqarfiup Allaffeqarfia, pisortaqatigiit ataatsimiittarfiat*

**Ilaasortat**

Karin Pedersen Thorsen (Siulittaasoq)	Inooqammi siulersuisunut ilaasortaq
Pia Kielsen	Nunatsinni Autismertut Peqatigiiffianni siulittaasoq
Lisa Nielsen	Kalaallit Nunaanni Tusilartut Kattuffiat KTK-mi siulittaasoq
Nina Møller	Sugisami siulersuisut siulittaasuat
Lone Rosengreen Pedersen	Kommunalbestyrelsimi ilaasortaq.
Mathias Knude Brusgaard	Inunnut innarluutilinnut tarnimikkullu nappaatilinnut Immikkoortortaqarfimmi fagcheffi
Vivi Christiansen (Sinniisoq)	Meeqqanut Ilaqutariinnullu Ingerlatsivimmi Ilaqutariinnut immikkoortortami aqutsisoq
Riikki Grønvold	Atuarfeqarnermut immikkoortortami aamma MISI- mi fagcheffi

**Taaseqataasinnaanatik  
ataatsimeeqataasartut**

Naja Anelouise Heilmann	Inuit innarluutillit pillugit Siunnersuisooqatigiinni allatsi
-------------------------	--

Peqataasinnaangitsut: Pia Kielsen, Nina Møller, Karin Pedersen Thorsen

Sags id: EMN-2021-11568

## Imarisai

1. Oqaluuserisassat akuerineqarnerat.....	3
2. Oqaluuserisassat ilisimatitsissutit aalajangiiffigisassallu .....	3
2.1 Ilisaritinneq: .....	3
2.2 Inuit innarluutillit pillugit Siunnersuisooqatigiinni allatsi .....	3
2.3 Fagchefimut sinniisoq .....	3
2.4 Inuit innarluutillit pillugit Siunnersuisooqatigiinnut nutaamik qinersisoqarnissaa pillugu aalajangiineq3	
2.5 Nuummi Piginnaanngorsarnermut qitiusoqarfik pillugu saqqummiussineq, Malene H. Jensen .....	4
3. Taasariaqartut allat.....	5

# 1. Oqaluuserisassat akuerineqarnerat

Akuerineqarput.

## 2. Oqaluuserisassat ilisimatitsissutit aalajangiiffigisassallu

### 2.1 Ilisaritinneq:

Peqataasut tamarmik ataatsimiinnermi ilisaritseqatigiillutik aallarniipput.

### 2.2 Inuit innarluutillit pillugit Siunnersuisooqatigiinni allatsi

Allatsip ilisimatitsissutigaa, Inuit innarluutillit pillugit Siunnersuisooqatigiinni allatsitut kingunnermik ataatsimiittoq. Ulloq 1. septembari 2025-mi Siunnersuisuni Isumaginninnermi Kiffartuussiviup ataaniittumi immikkoortortami aqutsisutut atorfittaamini sulilissaaq.

### 2.3 Fagchefimut sinniisoq

Vivi Christiansenip ilisimatitsissutigaa, Meeqqanut Ilaqutariinnullu Ingerlatsivimmit fagschefimut Eva Kristiansenimut sinniisutut peqataalluni.

### 2.4 Inuit innarluutillit pillugit Siunnersuisooqatigiinnut nutaamik qinersisoqarnissaa pillugu aalajangineq

Allaffeqarfimminngaanniit ilisimatitsissutigineqarpoq, Naalakkersuisup nutaap inatsimmut tunngasut tamarmik unitsikkallarai, taamaattumillu inunnut innarluutilinnut inatsisissamik nutaamik siunnersuummik sulii saqqummiussisoqanngitsoq.

Allaffeqarfimmit siullermik Inuit innarluutillit pillugit Siunnersuisooqatigiit utaqqiisaasumik ingerlaannarnissaannut qinnuigineqarput, inatsit nutaaq ileqqoreqqusarlu nutaaq inissinnissaata tungaanut. Piffissaq sivisooq ingerlareermat, Isumaginninnermut Inunnullu Innarluutilinnut Ataatsimiititaq aperineqarpoq, siunnersuisooqatigiit sulii sivitsorneqassanersut imaluunniit siunnersuisooqatigiinnik nutaanik qinersisoqassanersoq.



2025-mi ukiakkut Inuit Innarluutillit pillugit Siunnersuisooqatigiinnut nutaanut qinersisoqassasoq, 2025-mi aggustip ulluisa aqqarnganni ataatsimiititamit aalajangiunneqarpoq.

## 2.5 Nuummi Piginnaangorsarnermut qitiusoqarfik pillugu saqqummiussineq, Malene H. Jensen

Malene H Jensen, Nuummi Piginnaangorsarnermut qitiusoqarfimmi aqutsisusoq, ataatsimiinnermi 2025-mi aggustip ulluisa 26-anni Inuit innarluutillit pillugit Siunnersuisooqatigiinnut saqqummiussivoq. Qitiusoqarfiup tunuliaqutaa, Saqqummiussinerup siunertaa kiisalu apeqquteqarnissamut isummersuuteqarnissamullu sinaakkutit saqqummiuppai.

### Killiffissiorneq

Qitiusoqarfik 2025-mi aggustip ulluisa 18-ianni peqataasunut siullernut ammaassivoq. Init perorsaanikkullu najoqqutassartai pilersissallugit sulisulissutigineqarput, aamma suliasat amerlasuut misilittakkat siulliit aallaavigalugit ingerlaavartumik ineriartortinneqassapput.

### Siunertaq sullitallu

Nuummi Piginnaangorsarnermut qitiusoqarfik ukiuni sisamani piginnaangorsarfissatut pilersinneqarnikuvoq, Kommuneqarfik Sermersuumi Suliffeqarnermut Isumaginninnermullu ingerlatsiviup ataaniittoq. Siunertaasoq tassaavoq, inuusuttunut 16-it 28-llu akornanni ukiulinnut immikkut pisariaqartitsisunut najukkami piukkunnaatilittullu periarfissaalluartumik neqerooruteqarnissaq, taakkunani neqeroorutitut kommunip avataaniittunut akulikitsumik innersuunneqartaraluartunut (soorlu Danmarkimi STU-mik ingerlatsinermut). Sullitat tassaapput inuusuttut tarnimikkut, inooqataanikkut ilisarsisaatsikkulluunniit ajornartorsiuteqartuusut, ilinniartitaanermik nalinginnaasumik pissarsilluarsimangitsut. Takorluugaq tassaavoq, inuttut, inooqataanikkut suliatigullu piginnaasanik annertusaataasumik toqqissisimanartumik tamakkiisumillu isiginnittumik ingerlatsinissaq, nammineernerunissaq, suliffeqalernissaq imaluunniit ingerlariaqqiffiusumik ilinniagaqalernissaq siunertaralugu.

### Anguniakkat perorsaariaaserlu

Malenep perorsaanikkut suleriaaseq nassuiaatigaa, matumani imarisat ulluinnarni aqqissugaanerit kiisalu susasaqartut attuumassuteqartut suleqatiginissaannut pilersaarusiassat assersuutigalugit. Aammattaaq nassuiaatigaa, neqeroorut qanoq iluarsineqarsinnaanersoq misilittagaqarneruleriartornerlu ilutigalugu ingerlaavartumik ineriartortinneqarsinnaanersoq.

### Apeqqutit isummallu.

Siunnersuisooqatigiit saqqummiussisoqarnerani apeqquteqarnissaminnut isummersuutinillu apuussinissaminnut periarfissaqarsimapput. Malenep ilisimatitsissutigaa, apeqqutit oqaaseqaatillu ataatsimiinnerup kingornatigut aamma nassiunneqarsinnaasut.

Saaffissaq: Malene H. Jensen, Nuummi Piginnaangorsarfimmi Aqutsisoq – mahj@sermersooq.gl, +299 520132.



### 3. Taasariaqartut allat

Soqanngilaq.

